



Azpeitiko Udala

AZPEITIKO UDALAREN ETA KULTURZALE KULTUR ELKARTEAREN ARTEKO LANKIDETZA HITZARMENA, 2020. EKITALDIRAKO, KULTURAREN ARLOAN HERRITARREN PARTE HARTZEA BULTZATZEN DUTEN PROIEKTUAK GARATZEKO PROGRAMA BURUTZEKO.

-Dirulaguntza izenduna bideratzeko hitzarmena-

Azpeitian, 2020ko maiatzaren 6an

BILDURIK

Alde batetik **NAGORE ALKORTA ELORZA**, NAN 72.471.832-M duena, Azpeitiko Udalaren alkate-udalburua, Udalbatza Osoak 2019ko ekainaren 13an hartutako erabakiaren arabera egintza honetan parte hartzeko ahalmena hartua.

Bestetik **OLATZ PRAT AIZPURU**, NAN 72.461.411-A duena, Kulturzale Kultur elkartearen lehendakaria, erakundearen organo gorenak 2018ko otsailaren 21ean hartutako erabakiaren arabera egintza honetan parte hartzeko ahalmena hartua.

Bi aldeek aitortzen diote elkarri agiri hau izenpetzeko eta jarduteko behar den gaitasun juridikoa eta honakoak azaltzen dituzte:

AURREKARIAK

Toki Jaurbidearen Oinarriak arautzen dituen apirilaren 2ko 7/1985 Legeak ez ezik, Euskadiko toki Erakundeei buruzko apirilaren 7ko 2/2016 Legearen 17. artikulua ere Azpeitiko Udalari kultura eta kultura-jarduerak antolatze eta sustatzeko eskumen propioa aitortzen dio. Kultura garatzeko sustatzeko eta zabaltzeko Udalak helburu, estrategia eta ekintzak definituko ditu, eta horien kudeaketan bere bitartekoak erabiltzeaz gain beste erakunde batzuekin ere elkarlanean aritu ahal izango da, modu koordinatu eta homogeneousan.



Udalbatzak 2020ko maiatzaren 5ean onartu zuen 2020-2022 Dirulaguntzen Plan Estrategikoa, eta bertan jaso zituen dirulaguntzak emateko ildo estrategikoak. Horien artean dago III. Eranskina: kulturaren arloko jarduerak dinamizatzea eta sustatzea.

Azpeitiko Udalak udalerriaren onerako diren kultur arloko ekimen eta proiektuak sustatu nahi ditu, horrela, herritarrei irekitako parte-hartze prozesuak garatzen lagunduz, eta jarduketa hori espresuki jaso du bere dirulaguntzen plan estrategikoan.

Kulturzale Kultur elkarteak herriaren partaidetza suspertzeko kultur taldeek beraiek sortu zuen elkarte bat da, eta bere helburuen artean “kultur mahaia” bideratzea da herrirako diseinatzen diren kultura-politikei buruzko herritarren partaidetzarako, eztabaidarako, jarraipenerako eta ebaluaziorako. Horrez gain, herrian kultura sustatzeko helburuarekin, Administrazioarekin elkarlanean edota ekintzaile moduan, hainbat jarduketa eta egitasmo bideratzen dituzte: sormena proiektua, transmisio proiektua, Dinamoa sormen gunea, Herri Hezitzailea, Jalgi eta Komunikazioa.

Kulturzale Kultur Elkartek ekimen guzti horiek bideratzeko udalari diru-laguntza eskaera egin dio.

Diru-laguntzei buruzko azaroaren 17ko 38/2003 Lege Orokorraren arabera, toki-administrazioa osatzen duten erakundeek pertsona publiko edo pribatuaren alde egindako diruzko xedapen oro da diru-laguntza, baldin eta baldintza hauek betetzen baditu: diru-laguntza onuradunen zuzeneko kontraprestaziorik gabe ematea, helburu jakin bat bete behar izatea, jarduera bat egitea, eta onuradunak ezarritako betebeharrak materialak eta formalak betetzea. Finantzatutako jokabidearen edo egoeraren helburua onura publikoko jarduera bat sustatzea edo helburu bat sustatzea izatea. Azpeitiko Diru-laguntzak emateko udal-agintaratuak, bere aldetik, laguntzak emateko edukia eta prozedurak zehazten ditu (GAOn 2012ko maiatzaren 29an argitaratua).

Udalaren Kultura, Euskara eta Parte hartze batzordeak 2020ko apirilaren 23an egindako bileran Kulturzale kultur elkarteak egindako laguntza eskaerari aldeko irizpena eman zion, bat datorrelako Azpeitiko Udalak kulturaren arloko jarduerak dinamizatzeko eta sustatzeko helburuarekin.

Era berean, diru-laguntza aurreikusita dago Udalaren 2020ko ekitaldirako Aurrekontu Orokorraren Beteazpen Oinarrietan eta 2020-2022 Plan Estrategikoan.

Bi erakundeek badakite zein garrantzitsua den herritarren parte-hartzea eta kultura-sorkuntza bultzatu nahi duten proiektuak sustatzea, tokiko elkarte-sarea indartzeko eta talentua eta inbertsioa erakartzeko, kulturaren eta proiektuaren arloan eragina izan dezaten Azpeitiaren irudiarekin batera.

Horiek horrela, parte-hartzaileek, duten ordezkartzaren arabera, bere burua lotzeko gaitasuna dute eta hori aitortzen diote elkarri; hortaz, azaroaren 17ko 38/2003 Legearen 28. artikulua kontuan izanik, hurrengo lankidetzak-hitzarmena gauzatzeko, hauek erabaki dituzte:

1. - HELBURUA



Azpeitiko Udala

Hitzarmenaren helburua da Kulturzale Kultur elkarteari 30.000 €ko laguntza izenduna ematea, 2020. ekitaldian kultura arloan herritarren partaidetza bultzatzeko “kultur mahaia”ren bidez, eta herrian kultura sustatzeko helburuarekin, Administrazioarekin elkarlanean edota ekintzaile moduan, honako jarduketak bideratzeko: sormena proiektua, transmisio proiektua, Dinamoa sormen gunea, Herri Hezitzailea, Jalgi eta Komunikazioa.

Egitasmoak hitzarmenaren **Eranskin** bezala jaso da. Bertan zehaztu dira aurtengo ekitaldian emango diren jarduketak.

Diruz lagundutako jarduera egiteko epea 2020ko urtarrilaren 1etik abenduaren 31ra bitartekoa izango da.

2.- AZPEITIKO UDALAREN BETEBEHARRA

Azpeitiko udalak hitzarmen honetan jaso den 30.000 €ko laguntza gauzatuko du 2020ko Udalaren aurrekontuan jaso den 1.0401.481.334.00.03 2020 Kultur Mahaia aurrekontu kredituaren bidez.

3.- ONURADUNAREN BETEBEHARRAK

Kulturzale Kultur Elkartek bere gain hartzen du:

- Azpeitiko Udalak ekarritako funtsak hitzarmenaren bidez onartu den egitasmoa bideratzea.
- Funtsak erabiltzea laguntza eskaera oinarritzen duten egitasmoak (2496 eta 2499 sarrera zenbakiak) jaso dituzten gastuak ordaintzeko.

4.- ORDAINKETAREN BALDINTZAK:

Onuraduna izateko baldintzak: Laguntzaren onuraduna izango den Kulturzale Kultur Elkartek indarrean dagoen araudiak eskatzen dituen baldintzak bete ditu.



Ordainketa aurreratua: Kopuru osoaren ordainketa aurreratua egingo da, diru-laguntzaren helburu diren jarduerak gauzatu ahal izateko beharrezko finantzaketa delako.

Laguntzaren onuradunak ez du bermerik eratu beharrik, lukrorik gabeko erakunde bat delako eta bere helburua kultura alorrean herriaren garapena duelako helburu.

Laguntzaren bateragarritasuna: Diruzko ekarpena bateragarria da

helburu bererako beste diru-laguntza, laguntza, diru-sarrera edo baliabide batzuekin, edozein administraziotatik edo erakunde publiko edo pribatutatik badatoz. Edozein kasutan, laguntza guztiak ezingo dute jardueraren kostua gainditu.

Kulturzale Kultur Elkartek diru-laguntzen ikuskapenari, jarraipenari eta kontrolari buruzko araudia bete behar du, eta Udalaren diru-laguntzak kudeatzen dituzten organoek eskatutako informazio guztia eman.

Kulturzale Kultur Elkarteari diru-laguntza itzultzeko eskatuko zaio -diru-laguntza ordaintzen den unetik dagokion berandutze-interesarekin-, azaroaren 17ko 38/2003 Legearen 37. artikulutik 43.era bitartean aurreikusitako kasuetan eta baldintzetan.

5.- DIRU-LAGUNTZAK JUSTIFIKATZEKO ARAUBIDEA

Diru-laguntza emateko egintzan ezarritako baldintzak bete direla eta aurreikusitako helburuak lortu direla justifikatu beharko du Kulturzale Kultur Elkartek, Udalaren Kultura Sailaren aurrean.

Diruz lagundutako jarduera egiteko emandako epea amaitu eta gehienez ere **hilabeteko epean** aurkeztu beharko da justifikazioa. Justifikatzeko epea amaituta justifikaziorik aurkeztzen ez bada edo nahikoa ez bada, justifikatzeko betebeharra ez dela bete ulertuko da, azaroaren 17ko 38/2003 Legearen 37. artikuluan aurreikusitako ondorioekin.

Justifikazio-kontu sinplifikatuak diru-laguntza ematean ezarritako baldintzak betetzen direla justifikatzeko jarduketa-memoria bat izango du, egindako jarduerak eta lortutako emaitzak adierazita, bai eta uztailaren 21eko 887/2006 Errege Dekretuaren bidez onartutako Diru-laguntzei buruzko Lege Orokorraren Erregelamenduaren 75.2 artikuluko b) eta c) eta, hala badagokio, d) letretan xedatutako dokumentuak ere.

Diru-laguntza ematen duen organoak egoki iritzitako egiaztagiriak eskatuko dizkio onuradunari, diru-laguntza behar bezala aplikatu dela egiaztatzeko.

6.- PARTE-HARTZE EGITASMOAREN ETA JARDUKETEN JARRAIPENA ETA KONTROLA -UDALAREN KULTURA ALORREKO BATZORDEA-

Ekarpenak eskatzen dituen justifikazio baldintzak betetzearen kalterik gabe, hitzarmenaren helburu den ekimenen jarraipena eta kontrola lankidetzaz honetan aipatu diren erakundeen zeregina izango da.



Azpeitiko Udala

Horretarako, Elkartek, gutxienik sei hilean behin, berri emango du Udaleko Kultura batzordean, honako gutxieneko zehaztasun hauekin:

- Parte hartze egitasmoaren bilakaera (talde parte-hartzaileak eta gizon emakumeen parte hartze maila)
- Jardueren laburpena: ekitaldi kopurua, diziplinen arteko oreka, jatorria, sarrerak eta gastuak, balorazioak, ekimen bereziak, proiektu programati-boak...

7. - ARAUBIDE JURIDIKOA

Diru-laguntza hau, hitzarmen honetan xedatutakoaz gain, azaroaren 17ko 38/2003 Legean eta uztailaren 21eko 887/2006 Errege Dekretuaren bidez onartutako Lege horren Erregelamenduan xedatutakoaren arabera arautuko da.

Hitzarmen hau Azpeitiko Udalaren Diru-laguntza Planaren baitan dago. Bere izaera diru-laguntza izenduna da, bere helburua kulturaren arloko jarduerak dinamizatzea eta sustatzea da, herritarrei irekitako parte-hartze proze-suak garatzen lagunduz.

Lankidetzeta-hitzarmen honek izaera administratiboa du, eta juridikoki Sektore Publikoko Kontratuen Legearen Testu Bateginaren 4.1.d) artikuluan dago sartua, eta beraz, haren aplikazio zuzenetik kanpo dago.

Ondorioz, Lankidetzeta-hitzarmen honen indarraldian sor daitezkeen auziak Administrazioako auzi-gaietarako jurisdikzioak erabakiko ditu.

8.- PUBLIZITATEA

Diru-laguntza hau Udalaren web orrian argitaratuko da gutxienez,

Eta aurretik adierazitako guztiarekin duten adostasunaren seinale gisa, agiri hau hiru aldeek izenpetzen dute, idazpuruan ageri diren tokian eta egunean.

NAGORE ALKORTA ELORZA
Azpeitiko alkatea,

OLATZ PRAT AIZPURU
Kulturzale Kultur elkartearen
lehendakaria,



